

文詞志非志乘法也非法何以立曰經籍志所載皆邑人著述及卷帙之繁者夫昔人一吟一咏風澤斯存遺篇襍製典章所繫皆有不可廢者不可廢則幾爲志乘法矣然則何以不曰藝文志曰史法藝文與經籍同科止錄書名與其篇耳不得載其文詞也河內之文詞止此乎曰有關於地志者則分載之如營建志之載修城記寺觀志之載諸詩是也文詞之不佳者不載雖佳而無涉於文獻者不載若是則所載者可以不朽矣作文詞志

詩

在懷縣作二首

晉潘岳

河內縣志

文詞志上

卷二十二

一

南陸迎修景朱明送末垂初伏啟新節隆暑方赫曉朝想慶雲興夕遲白日移揮汗辭中宇登城臨清池涼颺自遠集輕襟隨風吹靈圃耀華果通衢列高椅瓜瓞蔓長苞薑芋紛廣畦稻栽蕭芋黍苗何離離虛薄乏時用位微名日卑驅役宰兩邑政績竟無施自我違京輦四載迄于斯器非廊廟資屢出固其宜徒懷越鳥志眷戀想南枝

春秋代遷逝四運紛可喜寵辱易不驚戀本難爲思我來冰未泮時暑忽隆熾感此還期淹歎彼年往駛登城望郊甸游目歷朝寺小國家民務終日寂無事白水過庭激綠槐夾門植信美非吾土祇擬懷歸志眷然顧羣洛山川邈離異願言旋舊鄉畏此簡書忌祇奉社稷守恪居處職司

送懷州吳別駕

唐岑參

灞上柳枝黃壚頭酒正香
春流飲去馬暮雨灑行裝
驛路通函谷州城接太行
覃懷人總喜別駕得王祥

贈別穆元休

李頎

貳職久辭滿藏名三十年
丹墀策頻獻白首官不遷
明主日徵士吏曹何忽賢
空懷濟世業欲棹滄浪船
舉酒洛門外送君春海邊
彼鄉有令弟小邑試烹鮮
轉浦雲壑媚涉江花島連
綠芳暗楚水白鳥飛吳煙
贈贖亦奚貴流亂期早旋
金閨會通籍生事豈徒然

自懷州却赴洛途中作

歐陽詹

惆悵策疲馬
蓬被風吹昨東今又西
冉冉長路岐歲晚桂
河內縣志

文詞志上

卷二十二

二

無葉夜寒霜滿枝
旅人恆苦辛冥冥天何知

曉發天井關寄李師晦

許渾

山在水滔滔流年欲二毛
湘潭歸夢遠燕趙客程勞
露曉紅蘭重雲晴碧樹
高逢秋正多感萬里別同袍

送李從事商隱

薛逢

曉乘征騎帶犀渠
醉倒都門摻袂初
蓮府望高秦御史
柳營官重漢尚書
斬蛇澤畔人烟曉
戲馬臺前樹影疎
尺組掛身何用說
古來名利盡邱墟

寄義山李侍御

温庭筠

一水悠悠隔渭城
渭城風物近柴荆
寒蛩乍響催機杼
旅鴈初來憶弟兄
自爲林泉辜曉夢
不關砧石報秋聲
子虛何處

堪消渴試向文園問長卿

哭李商隱

崔珏

成紀星郎字義山適歸黃壤抱長歎詞林枝葉三春盡學海波瀾一夜乾風雨已吹燈燭滅姓名長在齒牙寒只應物外攀琪樹便著蛻裳上玉壇

虛負凌雲萬丈才一生襟抱未曾開烏啼花落人何在竹死桐枯鳳不來良馬足因無主跪舊交心爲絕絃哀九泉莫歎三光隔又送文星入夜臺

送晁校理知懷州

朱司馬光

雞犬相聞桑柘春風光明潤帝鄉鄰羣峯斜轉太行角萬谷同趨馬頰津簪組傾都邀別袂壺漿滿路候行塵非君厭薄

河內縣志

文詞志上卷二十二

三

承明直天子方今重治人

遊沁

姜正

山如削玉水涵秋人在冰壺月底遊劫火半空塵世換不知此處幾登舟

懷州子城晚望少室

金元好問

河外青山展臥屏并州孤客倚高城十年舊隱拋何處一片傷心畫不成谷口暮雲知鄭重林梢殘照故分明洛陽見說兵猶滿半夜悲歌意未平

別覃懷幕府諸君

王後盧前舊往還江東渭北此追攀百年人物存公論四海虛名只汗顏詩酒聊堪慰華髮衡茅終擬共青山相思後日

并州夢常住瑤林照映間

過沁園有感 元耶律楚材

昔年曾賞沁園春今日重來迹已陳
水外無心修竹古雪中
含恨庾梅新垣頽月榭經兵火草沒詩碑覆劫塵
羞對覃懷昔時月多情依舊照行人

懷州北門觀漲 許衡

雨水添新漲陂湖沒舊痕
人迷堤上路船上樹頭邨
歲事知前誤秋耕未可論
誰憐徭役外天亦恡深恩

咏懷慶王節婦 陳旅

良人飄泊渺烟鴻
窻竹寒砧雨淚紅
檣楫不遊淇水上
柏舟仍見衛風中
龜文屈曲秋機斷
鸞影低徊曉鏡空
贏得名公

河內縣志 文詞志上

卷二十二

四

寫旌表千年光燄吐晴虹

題許魯齋祠 明薛瑄

南北風塵瀕洞中天開人極產英雄
幾年力學尊尼父萬里心傳得晦翁
自信與王爲大道誰知伐國是元功
當時歸老情何切爲愛西山萬玉峯

簡粹夫 何景明

二十知學道于今猶未真
白髮空愁我金丹不遇人
側身向天地舉足隨風塵
乘雲空有興涉海浩無津
聞君能鍊骨妙論頗通神
倘惠長生術高揖謝親賓

寄粹夫 何景明

伊昔京室娛安知岐路感君就河內
棲子從關西役同源異

流止撫事乖心跡終爾返輪軌音塵慰岑寂肥遯世久欽苦
節晚逾峻懸蘿邈莫攀翠壁迥干仞冥心道與超晦迹名反
近將遂諧龍蠖混然保貞順昔聞孫登嘯千載識其音岩堯
百門上髣髴三湖陰鴻舉已寥廓鸞響猶空林曠哉既往古
契此徵于今阮公雖曠達于道未真見石髓不可餐赤文詎
能辨服理昧情性眩物矜神誕儻君示中行造垂大人撰
送懷州吳別駕 王越

雲路快飛黃閑花撲袖香一麾人遠迓百寶劍新裝宿雨侵
杯色秋風起雁行行看勞勸課嘉穀兆禎祥

過河內作 楊慎

晨行河內道曠然清客心太行北麓近丹流東逝深叢芳金

河內縣志

文詞志上
卷二十二

五

碧岸總翠映遙林蒲梢遞餘馥柿葉垂繁陰在藻歸樂泳遷
喬聞好音客行雖云苦對此一開襟旣懷擊壤詠復動滄浪
吟古風美樂土茲情驗于今

題大道寺壁

雲谷樵夫

西華雲臺去路長投閒翻爲看山忙十年有夢尋中嶽四月
披雲道太行清世誰能便更隱幽棲吾獨愛僧房昨來不寐
夜香心讀罷楞嚴夜未央

覃懷道中雪

李攀龍

飛雪長驅使者車太行愁色滿天涯虛傳梁苑平臺賦眞作
河陽一縣花流影風前迎劍氣寒光樹杪澹人家問津明日
知何處千里西來有漢槎

贈河內王萱

海瑞

虎帳風生蕩戰衣，龍光射斗迫寒威。
試看山岫舒清氣，帶得雲烟鎖翠微。
曉霽野花迎馬笑，天晴旅雁傍旌歸。
羽書奏捷軍民快，標著奇功達帝畿。

萬里君門咫尺天，將軍秉鉞靖三邊。
旌旗閃閃龍蛇動，弓弩堂堂日月懸。
四境風清生虎帳，一天雲淡少狼煙。
蒼生引領頻相望，勒石燕然智勇全。

題何柏齋侍郎山居

謝榛

茅宇依泉石，游心自太空。
簷垂松葉露，門掩稻花風。
世故端居外，天真獨臥中。
平生愛疏廣，今古幾人同。

覃懷道中

謝榛

河內縣志

文詞志上
卷二十二

六

候雁來何急，相呼入遠空。
朔雲低晚樹，野吹捲秋蓬。
烽火孤征外，關城百戰中。
邇聞邊馬遁，諸將欲論功。

覃懷

謝榛

幾醉覃懷酒，茲來何苦辛。
龍精劍自古，燕石寶非真。
天地長容客，雲雷暗有神。
浮生莫太急，朝露槿花新。

秋夜登河內城樓

謝榛

滿城寒杵送人愁，霜氣偏侵季子裘。
浮海有心聊閱世，御風無術且登樓。
虛簷高映蒼雲暮，古堞平連翠嶂秋。
回首不堪鄉國遠，斷鴻飛下蓼花洲。

明月山因覩荒涼遂阻遊興

謝榛

荒山白草路盤盤，却憶仙家倚石欄。
落日疎煙秋色好，玉清

閣上幾回看

明月山下逢友

謝榛

車馬西來自澤州思君不見十經秋相逢把袂成悲感明月
山前兩白頭

董文載酒過月山寺

趙用賢

雲空極目莽蕭蕭靜掩禪扉對沈寥雙騎影傳青旆轉一聲
歌動白雲浮鄴中作賦推公幹河內飛鳧識子喬幸有淹留
賢地主不將岐路嘆飄飄

懷城秋望

解州侯加采

隄柳含烟處茫茫古渡頭萬山將日去一水抱城流雲覆荻
蘆晚風翻禾黍秋逃亡稍相就撫恤倍吾憂

河內縣志

文詞志上
卷二十二

七

再過月山寺

胡汝嘉

泉聲出翠微蘿薜隱禪扉紅葉酣秋色黃花照客衣山空雙
鳥度天淨片雲飛更愛西峯勝林亭下夕暉

題趙烈女祠

安福王如堅

節烈天生骨留名之子香誓心原處女忍死爲姑嫜隧上霜
風冽泉中含笑長貞標應砥俗飭宇在綱常

紫金壇

魏元貞

太行絕壁渺仙壇磴道岩峩鬱幾盤王母洞虛瓊珮杳金龍
石碧玉漿寒陰崖帶雪從扶杖遠樹含雲故倚欄聞說真源
迷咫尺此身猶自繫微官

弔舊河內令王子房

楊之璋

聲靈赫濯向中原志切同仇歎尚屯徒抱千秋無限恨可憐
萬里不歸魂神還二寶乾坤弊血汚三明日月皆行見芳名
光史冊誰云夫子不生存

輓尙烈女

國朝實可權

百年之內兩烈女趙女旣歿尙女起兄曰尙那才生長萬里
里幼字唐七郎未嫁郎已死郎死阿母存煢煢垂白矣衰經
入唐門晨昏多艱辛努力奉姑嫜節義動里鄰七有嫡母兄
貪婪莫與倫謀欲吞七產骨肉起荆榛誣語控諸官官謂女
節醇苞苴行不已始信錢通神酷吏拷那才勒令同女還那
才見阿妹撫膺泪如弦本欲全汝節何意官得錢吾且入公
署少聞同我還逼迫有官長行止那自專阿妹聞兄語氣結

河內縣志

文詞志上
卷二十二

八

不能言

此下疑脫一句

腸中如膏煎吞聲復唯唯兄且加盤飧從此

不相累少間當同還給兄出唐門仰天泣泗連姑年如朝露
中道相棄捐著我縞素衣是我來時穿佩我白玉環用以表
貞堅蓋棺論乃定魂去屍長眠舉手投繯死瞑目歸重泉日
月忽黮黯悲風動九乾童稚皆爲裂行人晉道邊那才聞妹
死慟哭訟絲絲唐氏乃股慄糞金以自全十年訟不解家產
已蕩然本欲吞七產反致無遺田本欲誣尙女反致身後愆
或言女含恨厲鬼宜相纏賢媛豈厲鬼天地自無偏人生誰
無死或輕於鴻毛或重於泰岬河內彈丸地兩烈相後先趙
女會有河文定迄今世宗之什皎如霽日之經天尙女蓋棺
六十載名幾湮沒而不傳比部蕭子修郡乘椽筆淋漓書其

賢嗚呼安得德位有如文定者致使尚女姓字達帝前

沐澗寺後塔 王鐸

忘此羣生動禽言亦覺紛屢窺深谷色高臥太濛雲百葉吹
香路長峯似水紋此中能領畧魚罟也氤氳

中道村

蒼蒼上古水竹樹遮香州纔入林邱裏真疑風雨秋心淵渾
不夕雲翳似無流欲極冲元味綠書或可求

書河內旅舍

圓光溪不昧耿耿照錕鋸此夜秋風起平生意氣孤烽烟通
海嶠介胄老邊榆紅葉驚初落疇爲贈鑑湖

辛巳覃懷清明

河內縣志

文詞志上
卷二十二

九

逢節人將老黃河櫓不行此鄉仍被襖故里失清明松檟春
風淚梨花夜雨聲揜門一百日戎馬愈縱橫

河內長樂村

幽居真自足不是避戎旌村外聞樵響花間羨鳥行白河天
氣展青嶽客心生卽此無拘束衣裳見太平

懷州歲暮感懷 陳維崧

黛色憑欄指顧收太行斜壓郡西頭城連沁水喧河北雪積
雲中冷澤州落落可憐邊塞客栖栖還作稻粱謀何當快馬
嘶風去老作三關萬里遊

千年華蓋在人間從古仙靈此駐顏玉瀧金漿成濟瀆丹梯
紺壁照靈闌欄前全晉秋明滅巖頂諸天夜往還搔首漫嗟

人事改烟蘿咫尺未能攀

懷濟源王屋山

急裝夜發北風饕匹馬層崖控轡牢月上沙洲帆似豆水滌
棧閣路如毛木樂塞北愁孤立藥櫃溝南獵犬嗥消息此間
曾百戰天寒誰為貴却醪

酒盡燈殘戍角哀鉤簾繞柱只徘徊枕欹獨客眠難着衣迫

長途縱復開故國愁聞魚大上

江南大水

中原喜見雁重來馮誰

驅使排幽興寧郭詩人李杜才

李杜才武陟人崇禎間詩人時讀其詩

晚次清化鎮

趙執信

晚風亂叢竹四野青欲收回頭謝寒山別夢還夷猶孤城殘
照盡雉堞隨星浮烟際聞人聲馬倦亦知投

覃懷竹枝

曹爾堪

河內縣志

文詞志上

卷二十二

十

萬派甘泉注幾邨腴田百頃長龍孫養成斑竹如椽大到處
湘簾有淚痕

秋日謁柏齋公祠

趙賓

秋風吹杖履一徑入青苔雨霽朝暎濕天空候雁哀斷碑人
墮淚立馬獨登臺合抱祠前柳諸生手自栽

未載元亭酒猶登畏壘堂菴苔斑石鼎神鬼護甘棠落日妖

狐嘯西風野菊香白頭諸父老涕泗薦烝嘗

飲許良竹塢待月

包燮

山陽區沃壤滿地青琅玕雅與淇園近欣從別墅看蕭疎宜
傍水深翠欲生寒月上浮香露幽人意未闌

秋日偕蕭紫眉遊貝澗口

喬騰鳳

幾載西山夢高天驅馬來荒原見狄獲古寺積莓苔
尋上湫流一徑迴登臨心浩蕩蓮嶽望中開

幽尋未忍去極目浩無遮斜日連千嶺餘光共一霞野蔬香
白薤山果碩紅檀卜築吾將老南河酒可賒

沁水泛舟阻雨 蕭家芝

沁口風迴浦長堤柳覆村山雲浮紫岫野杵急黃昏遲月舟
維岸移樽雨到門相期涼冷夜一葦溯河源

尙烈女故里 蕭瑞延

學士多湮沒惟傳一女流骨埋英未滅魂去里常留竹冷清
溪月霜飛故宅秋頻年多下淚節烈古難求

自述詩 紀清妻鄒氏

河內縣志 文詞志上

卷二十二

十一

啞啞營巢鳥啾啾失母雛憶昔十四五父母視若珠針線從
姊索髮髻教嫂梳十六身手成十七嫁期迫父母呼女前未
語淚滿頰自幼嬌養慣諸事不女責女今到人家凡百須了
徹堂上有孀姑巨細當稟白更有前室子痛癢要愛惜無遺
父母懼庶不羞巾幗再拜垂泣受歸房心轉怯四月上吉日
鼓吹喧門闌妾坐紅羅轎郎跨白玉鞍入門婚禮成戚族咸
欣歡凌晨拜阿姑阿姑語新婦前婦有遺孤依彼外祖母新
婦大賢德紀氏合昌後便當迎子歸一家好廝守辭姑入廚
下作羹重洗手雖無雞豚奉糗餌稱小有郎君青雲器功名
指日取竭力撫孤兒母恩應不負歡娛纔幾日彼蒼降巨艱
秋七月既望霖雨昏纏綿滂沱三晝夜沁水高於山破隄壞

城郭魚鼈吞桑田郎君念結髮春初歸新阡築壙苦未固奈
此波浪掀屍棺如有失相逢媿黃泉不寐坐待旦涕淚交瀑
浚破曉衝泥行西風刺人骨隴頭幸得柩重與築馬鬣盡日
不克藏入夜倍竭蹶勞苦兼悲哀歸來遂咯血展轉床褥間
倏已十一月窗外風怒號牀頭人嗚咽爲囑白頭親菽水奉
罔缺膝前黃口兒教養費摩書繼母如親母尤須着痛熱囑
咐重囑咐恩愛從此絕涕泣告夫子病軀當調攝天意最憐
才詎或至不測幸有克肖兒無憂薄命妾歔歔半夜中閉目
成永訣老親哀哀哭稚子呱呱啼自顧孱弱軀偷生亦何爲
便當從郎去却憶臨訣時握手諄付託俯仰於焉資黃泉誠
樂境奈此親與兒忍死視棺斂血淚染纒帷守靈不成眠推

河內縣志

文詞志上
卷二十二

十三

枕中夜起風雪止又作冷氣逼窻紙左顧八歲兒瑟縮寒衾
裡右顧一尺檠光焰暗欲死飢鼠動牀下戛戛響不止此時
若有見雙目且直視忽聞兒聲哀夢中呼爺來爺來幸勿去
使兒心肝摧兒母在何處可許兒重俛聞之毛髮戴轉念心
骨悲郎君魂歸來曷不使妾知上床撫兒泣此意能告誰所
望兒成立庶有寬懷期爲兒求良師爲兒延益友拔釵供束
修典衣具漿酒嬌兒未長成阿姑條長逝竭蹶備棺衾附身
恐不至十年遭兩喪枯盡眼中淚轉瞬三年過兒年已及冠
娶媳孝且賢一室笑語宴兒年二十四歲時得入泮一衿何
足喜書香萃不斷三孫立庭前長者總角少者相嬉戲天
真何爛漫一女學刺繡嬌癡復婉孌天倫有至樂何須求仕

宦祇惜逝者早此景不克見匆匆十餘載家室稱小康何意
賢女婦一豎入膏盲醫藥靡不至一旦悲淪亡姑昔舍我逝
哀慘裂肝腸今我復哭婦心目交摧傷人壽能幾何憂患常
相繼垂老不得安經營勞寤寐堂上孫哀號聞之心欲碎室
中兒傍徨見之更酸鼻百年已過半安樂那可冀豈必天降
殃應亦余獲戾中夜一回思枕衾沾涕泗作詩示子孫聊以
見吾志

覃懷災賑紀

恩詩

沈榮昌

堯年值洪水大造無如何已饑而已溺聖人憂更多繫惟歲
辛巳七月望已過五行山水怒懷襄激洪波懷州城之北肘
腋帶兩河厥名丹與沁千里出巖阿平時資灌溉茲日逢滂

河內縣志

文詞志上
卷二十二

三

沱崩嚙舊崖岸駛駕衆陂陀官民齊震懾百計支危柯一線
沙隄立萬人噤勿叱神龍宛遊戲噴薄駕靈鼉夜半光如炬
灼爍疑星羅金蛇掣眼角照耀同羲娥偷視雲霾黑恍惚立
萬魔赤子生魚頭滾滾出旋渦持竿呼健卒吞聲曳且拖支
撐偶獲一蹴踏如蚌螺于嗟爾何辜命數理則那泗人藏急
牒觸浪報民疴飛章晨以入夕卽奉恩麻念爾身何棲爲汝
營室家念爾口何食爲爾輓屯車憫彼已往者恤汝魂無嗟
冠蓋絡繹來爾民聽無譁
九重殷保赤膏施歲有加

帝座呼吸通都屋有何遐痼癘旣在抱噢咻同撫摩祇令人
更生

恩命又重荷官租概獨復工帑逾常科金錢贍爾手餽粥精
爾牙婦子再團聚迎門笑且歌萬人頌祝聲醞釀爲天和河
海同清晏豐穰及黍禾相期於萬年景物如玉華

題程无咎繪河內山水

曹履青

大行西來峯插天奔馳起伏青蜿蜒紫金壇高出霄漢白松
石上垂千年春藏水峪氣蒼鬱泉飛真谷聲琤潺寶光寺古
更幽邃如雲樹色山灣環千彙萬狀難遽述誰驅形騰歸毫
端楓園居士富邱壑蚤歲妙參書畫禪解衣槃礴轉閒靜頓
合咫尺成大觀樓臺殿閣巧結構規樞李成凌范寬想其伸
紙意慘淡眼底落落羅峯巒忽然潑墨掃鉅幅雲嵐變幻波
濤翻余性雅負山水癖屢去屐齒窮危巔畫圖所載未徧歷

河內縣志

文詞志上
卷二十二

十四

披閱空令心煩煎安得聳身躡絕壁一一巖洞恣盤桓臥遊
不羨宗少文幾聲鸞嘯碧雲間

水峪寺和崧岩作

康儀鈞

寺古何年建人從初地遊危峯疑障日崩石欲欹樓應有源
頭水來從碧澗幽聞君說奇勝飛夢到山頭

月山寺

石徑旋螺上梵宮拔地開到門峯勢轉別澗水聲回樹色圍
空遠河流撼岳來何當謝塵土趺坐遠公台

郭節母詩

鬱鬱松與柏結根泰山阿下有孫枝附兔絲並女蘿誰謂兔
絲長風落秋山岑誰謂女蘿細乃有松柏心維郭有賢母甫

嫁夫子殤父母不可奪一心奉姑嫜洗我紅粉粧脫我繡羅衣長纆與修汲井臼弱自持堂上崔山南堂下李景讓晝夜訓子奉匭長生母愛婦孝歸髮鬢怡然何以報婦德娶婦如婦賢慈子念母恩東修勤飭身溫潤比其潔黻黼昭其文遂令郭氏閭小大共欣欣和氣乃致祥潛德神所伸東鄰有弱女西鄰有長婦被茲節母風勃谿歸淳厚江河潤九里松柏蔭百畝福生自有基歸家事父母

枕山園雜詠

范桂園

生性愛幽寂移竹溪南村此君共偃仰庶堪常閉門冒水繞新籜觸階蟠瘦根外來斷塵躅中臥清神魂對吟發清響臨風開酒罇曉涼溪雨綠戴笠看龍孫

河內縣志

文詞志上
卷二十二

壹

地幽可養鶴屋西松漸高臥聽南溪漲寒夜生波濤林月照忽靜溪雲吹已遙豈獨資盤桓氣欲干層霄峨峨北山峯儼與松相招

園幽湛秋色閒居脫塵累明月夜皎皎照此園中桂金粟點林烟流芬遞遙吹松柴煮嘉釀吾欲花前醉

擔夫滿其願肩薪出巖阿劖石得古梅山雲枝上多種植臨芳池浸淫資碧波山禽得消息偕侶棲橫柯開軒睨晴雪佳客欣來過回望托根處遠岫青峨峩

瘦硬已通神峻嶒直到頂此園着此石草木爲幽靜林陰縫吐雲苔厚皮生瘦雨餘漏夕陽挺然示剛耿

飯後臨西潭潭影上衣清芳餌釣潭水絲柔魚不驚磯石半

浸浪蒼蘚磯上生愛此柳陰下不爲塵俗撻

園外聳諸峭遙對園中青早起開牕戶坐茲池上亭嵐翠作
朝餐氣爽心瓏玲移床就花嶼還復讀山經誦已掩卷臥樵
歌遙可聽

呼童覓長帚掃此園中地湛湛清浮埃苔花薦新翠地幽心
益清可以枕流睡夢醒良友來展齒響階砌

塵慮不上心時復瀟吾茗開襟受遠風驅鶴支石鼎茹香肺
膈清待月衣裳冷遲歸過板橋波靜見人影

颯颯林際飈澹澹池中瀾得此逍遙境能生夏午寒霜禽戲
幽渚嗜潔濯羽翰依人不飛去與我相盤桓我亦愛寂寥朝
夕閒倚欄遙峯送雨來荷盞響珠盤

河內縣志

文詞志上

卷二十二

六

覃懷客居八首

劉大觀

無藥療疎慵歸田亦倚農客來愁曳杖書至嬾開封散淡林
邊鶴高寒雪後松此心如嚼蠟書味却猶濃

寒谿雪可釣寄信買魚蓑味喜烹調美心嫌機械多孤筇扶
老態蔬食養天和却笑山陰客將書換白鷺

朋儕都笑我不務作人家讀史猶沾酒憐香復買花自知貧
可畏偏說樂能賒前歲此時節愁眉坐晚衙

鼠鬚鋒已挫楮擁小山高藝比雕蟲拙心同鑿柄操半生癡
類此終日覺徒勞及到怡情處淋漓墨滿袍

夜渴傾蕉露朝飢煮芋頭老語貧趣味誰復妄干求萬杵營
花榭千金宿妓樓北邙冰雪底寒士笑公侯

故人經濟好中外幾高軒共以纏綿意來通慰勉言雨收花
亦樂巢定鳥無喧此日蓬蒿裏昌黎道可原

蓬門不上鎖盡日少人行濶落愁爲累街坊幸體情夜寒燈
不亮詩阻夢難成時聽糟糠語君當隱姓名

癡愚立脚難老近惜餘歡賣帖修琴軫敲冰下釣竿我舟無
所繫何缺不容彈寫箇天隨子朝朝作畫看

潮音寺新修落成

中州十郡羅星野如此池臺更有無出樹雕甍照秋水翻風
翠蓋瀉荷珠居民盡許茹花氣佛地還容貯酒徒五百應真
都笑我借人軒檻取歡娛

春日閒詠八首

河內縣志

文詞志上
卷二十二

七

朝辭中條路暮得懷州屋何以娛性情選地種修竹方春邁
時雨貧簷施膏沐群卉弄夕晴天和慰幽獨竹外敞虛堂崧
龍五千軸持書竹前坐微颺撼青玉雙蝶亦閒閒恬熙無外
欲優游此庭宇眷戀如親族塵蹤日以踈田父日以熟不知
蓑與笠何處著榮辱

有枕倦卽睡有粥飢則食寸心無所營肝膈還超逸鶴隨游
山杖泉洗著書筆鬪健升危崖衆足遜余疾人所不到處茅
結闍黎室夜尋老比丘對促烟霞騰天生此形骸又畀以知
識餘年作幸民成此泉石疾行行入翠微遙睨扶桑日

寒雲羃王屋長虹壓沁水花種古河陽離茲四十里軼并飲
臬傑竹林棲君子都爲泉下泥苦樂共一死鬱鬱虎牢關戰

骨埋荆杞至今風雨夜猶見青磷起
緬往心惻然涕淚不能止
抑塞忽洞達浮生但爾爾濁醪傾一壺
先生已醉矣

束髮事游歷賢愚初不分
華衣妙語言遂與通殷勤
藥石有

甘草縹緗有時文食之不療病
讀之空損神及長磨心鏡照

出幾賢人苦口攻疵繆殆逾骨肉
親乃知綱常際交游在五

倫清平墓草宿少廷尉家高密墳土新歸順刺史李子刑部

李松滯嶺嶠隔絕二十春吳子侍御吳持風憲規戒久不聞

近復得賈直辭鋒張一軍宵濡詠春筆
鴻唳春空雲

移桂發新葉栽竹見春筍小山茁碧苔
老柏生黃菌樹有志

機雀車無趨勢軫青山橫北郭山光飲
不盡歲月安貧賤知

識守愚蠢荒厨著孟光神著謝詹尹留
客典簪環吾家未為

河內縣志 文詞志上 卷二十二 六

窘 所憂非陸沈所樂是雌伏試問千斛
椒何如一籬菊高閣鬼

瞰室要路輿脫輶虎尾與春冰危機在
榮祿所以猶龍氏為

腹不為目天寵識字農飽食太平穀披
蓑望南山時驅雨中

犢 寂寂掩蓬戶獨賞庭中春春氣如嘉
釀亦復能醉人生滅有

主宰寄之於鴻鈞靜觀芸芸意造化亦
苦辛我於動植中獨

得昂藏身松亦有其性竹亦有其筠雨為
鳩所喚良苗一濯

新胡為蓬樞士但知樂芳辰

芳辰不可留故知多已老衰邁來相侵
憂戚復如擣日暄富

貴花雨潤忘憂草秋風應節來一例成
枯槁西望荆軻墓東

晚田橫島俠骨化爲灰麗牲石亦創念茲可奈何悽惻傷懷
抱不如東海去飽飮安期棗

示書院諸生

幾人來聽擇龍雨萬柄同看君子花此是吾儕安樂地既無
塵垢又無邪

諸君骨格儘崢嶸寶劍終須鑄得成各以才華歸大冶看誰
光爛觸長庚

韓許文瀾洙泗通可分神禹舊時功書生別有摩天手莫止
區區鏤細蟲

一灣秋水似鷺湖謬以皋比屬老夫蟾光影徹湖中蚌好煉
金鍼貫鉅珠

河內縣志

文詞志上
卷二十二

九

河內弔玉溪生

吳慈鶴

河北王孫死鄭州玉溪森森剩寒流文章只自同琳瑯朋黨
何辜刑孛牛錦瑟華年長有淚白衣回首易驚秋懿仙未許
如通德枉羨佳人字莫愁

河內懷古七首

方履篔

庭闈守肫行潛顯靡不格漢以火德興孝若春氣積駢駢河
內郡二子闡竒迹丁生愴荼苦早歲親容隔刑形修愛敬膚
血可通徹拒鄰起深怨報辱忿相激泣然木主淚煥此雲臺
式郭巨奉偏親勤養鮮遺力有孫不獨飽埋子情拘迫啟壤
得黃金帝鑒垂鴻澤至今孝堂山佳氣生瓊石翳然百里中
見此雙塚列祥鳩集樹下芳醴通地脉景行豈在遠撫膺痛

艱厄追逝晦音鹿 尹生 朝夕已愆實難追豈謂蒼天劇

蠅簡入秦灰往誥天所存百篇亂樸學三家守中文異哉一

女子秦誓獲水濱得無太乙光下孕歸山雲經師鄭少贛好

古窮典墳漆書傳杜氏世業稱顯門或言史有譌著籍當在

温范史鄭興傳云河南開封人而通鑑註以為河內温人舊志以為河內人詰訓貴鉛察庶足植

此身不能守章句淵海終迷津我思西州學空谷傷離羣

振鞭臨廣衢肆目周原野太行據虎脊勢若建瓴下南循修

武轍世治忘戎馬西望軹里城豪士今益寡漢祖渡臨晉虜

叩震九夏蕭王戰射犬青犢裂飛瓦地勝力已展運至才非

假昔時有狂客浩歌淚盈把躑躅功名中雄志沈杯尊不若

谿畔農熟飲開秋社低首遵歸塗新露已如瀉

河內縣志

文詞志上 卷二十二

二十

吾慕趙仲讓亢節邈時宰吾感王孝孫苦志縈滄海或登權

貴庭傾臥終無駭或踞小車下轉側懷憂殆同此外形骸中

心抱蘭茝狂狷遇偶殊枯放意有在百齡但瞬息浩氣彌年

載弦高調易促根勁柯難改剛柔非不悟顛困增魄礫古人

不可作砥拙寧長餒

王象少孤特執箠為牧奴日夕受主杖捨羊私誦書楊君見

歎息贖歸授田廬一朝荷剪拂才骨成天駒登朝邀主遇當

代稱名儒銜恩不克酬賚恨遂捐軀不負知人鑒所報良已

殊曠世無達識英俊沈泥塗出治即妖金按劍遺明珠每觀

激昂際涕泗沾襟裾知己感一言終身甘負芻

幽蘭馨一山甘泉湧尺壤詞人吐洪輝川岳增秀朗偶吟思

舊賦寂寥無嗣響昨過山陽里修竹迷塵鞅玉溪振芳流自
溢文瀾廣龍鸞皆絕類膏馥結遐想餘錦未探懷靈蛇豈耀
掌固知俗愛殊欣此寸心賞披褐徒自畏取憎一何在盛名
宜坎壈無才獨悵惘

余本藜蒿人栖志曩無所樊鳥見深林延頸意先舉竭來太
行側澗壑窮幽阻翠篠達雲關綺禾亘原土處處足亭榭家
家事場圃提琴鳴衆木接觴對農侶却怪竹林賢未盡銷鋒
距何如野王老耦耕忘出處妙喻啟英心欲卽已無覩名迹
兩俱削頤然樂天宇蓬累儻可從誓將荷簪釜

九日偕康蘭臯侍郎吳山子登明月山

太行耀中繩摧峩繫百岫蚪首起河朔振領得奇構靈弦張

河內縣志

文詞志上
卷二十二

三

天弓巨斧削雲竇盤擎轉平迤恢育發深秀是作光明幡坡
陀闡祇鷲萬頃青瑠璃森森柏花茂石室通地肺清泉溢珉
甃琳宮若梯接高下因巖溜

神皇昔御宇中葉勤西狩茲峯沐

睿顧

玉軼歷延袤至今

寶翰光夜燭夔魑走華苑名益彰游蹤日相輟秋雲淡晴空
商颺煦廣晝羊傳喜登臨賓從非邂逅緩騎稱逍遙長筇擬
靈壽澗側採菊苗寒芬散裾袖鵲林步窈窕齧脊紛馳蹶四
徹俯層岨平臯喟如繡瀝落空外流嵩邛霧中逗薑畦綠未
剪柿蒂紅初透

念廿

真野濛濛無殊候冬原逐輕禽雪嶺

探麈轂駛川何迅忽卅載徒懷舊老衲霜棲髻陳迹能究
隱顯一刹那不若寄醇耐浮梁竹葉潤餅餠蓮華揉引手怖
簷鴿高譚驚野狖贊唄時復清輪音落霄颺不知若木低詎
聞秋城漏新蟾隔樹杪皎朗開碧宙歡洽歸策紆回首風泉
縞讌樂固有恒勝地豈遷貿盛德山並永新唵石可鏤吾友
軼鄒枚摘藻冠文囿豪筆愧同游授簡及孤陋山棲有夙願
幽壑難輕造何當附旌驥名跡千齡懋憑高輒慕遠飛景歛
飄驟蔚然烟霞氣溟濛入膚腠晨夢登紫房瓊漿獨滄漈
讀魯齋遺書敬題 栗穎

海宇頽唐日維持出大儒淵源闡與洛羽翼默兼樞正俗沿
遺訓清風起懦夫未消科第念能遣愧心無

河內縣志

文詞志上
卷二十二

三

邑南袁公祠在廣濟河側歲久傾圮感賦

長河帶南郭狂流縱以恣築堰束其流潺湲受節制荒瘠化
膏腴田以萬頃計蒼生荷德澤報之於累世靈祠枕碧潯鬚
眉凜生氣我拜公遺像慨然發長喟父母斯民者幾人負經
濟公當建置初築室排羣議規畫到纖微先事防其弊從知
久遠功懷仁足以智此水無竭時此邦永蒙利如何二百年
香火漸陵劫頽廡蘇痕交側碑牛角礪徒聞競蓄洩無復營
壯麗飲水昧其源受恩忘所賜徘徊撫庭柯欵欵松筠陸

遊九峯山二首 張模

爾若壓山麓鐘聲散諸嶺夙願酬一筇直造巉巖頂西南望
虎牢東北睨天井幽峭列鬢翠左右頻引領變態詭且奇神

恬心亦警下有清溪曲心、諸峯影斜暉挂巖外松黑雲烟
冷暢我平、懷灑然快遊騁回策履平原却復悼前猛咫尺
別險夷塵、邈遠境所以山下人問山都不省願結此山緣
終歲窮幽景

九峰接九堰槎枒映澗湫亂龍山際松鸞鳳溪頭竹造物鍾
靈秀結成一大局吾也生其間豈是尋常福芳辰縱一游峰
峰插我足倚石坐須臾喘息始相續回瞻所歷途壁立何矗
矗千辛買一樂言歸未忍速吐我抑塞氣洗我塵埃目擬覓
李營邱繪作游山軸